

p.113 line 7【不得讀誦】《經》：「不必受持讀誦方等經典」。《傳通記》：「問：上品上生有三受法，獨局讀誦，何云不必受持？眾戒六念亦不堪故？答：若約三人俱是上品，應云不必慈心具戒及修六念；而今局讀誦云不必者，顯上上品唯讀誦義，此乃上上一品有橫豎故。」～本會版 p.860《觀經疏妙宗鈔》卷 5：「上品中生明生因。云不必受持方等經典，善解義趣等者。是義持人。不樂讀誦。但於經中取一句偈。深窮旨趣。於絕言思深廣之理。心不驚動。又復其心安住中道。不為二邊之所驚動。了達因果皆是實相。名為深信。雖不徧習。或聞大教赴機異說。知顯一理。不生疑謗。」(X22,p.326,a23-b4)《觀無量壽經直指疏》卷 2：「起信云。或有眾生廣聞經論而得解者。或有眾生。文多為煩。少聞而取解者。前則文義雙持。次則唯義持矣。」(X22,p.441,b20-22)

p.113 line 7【善解大乘空義】《妙法蓮華經玄義》卷 5：一佛乘，亦名第一義諦，亦名第一義空，亦名如來藏。(T33,p.741,b14-15)《華嚴經疏鈔》卷 43：涅槃中。或名不二法門。或名無二性。或名實性。或名實相。或名無量義。亦名第一義諦。亦名第一義空。(T36,p.336,c16-19)《仁王般若經疏》卷 2〈二諦品 4〉：「菩薩於第一義中常照二諦化眾生者。於中道一實諦內。常照空有二諦化眾生。所言常照二諦者。即大悲般若化眾生。以波若故在生死而不著。則異於凡夫。以大悲故不住涅槃。異於二乘。不捨生死異於二乘。不捨涅槃異於凡夫。故言常照二諦化眾生。」(T33,p.340,c16-21)《傳通記》：「問：解無相理，何生有相土？答：雖解無相，未證理故，未免流轉；故迴解功，願不退土。」～本會版 p.861《釋淨土群疑論》卷 1：「凡愚之人。在俗紛擾。不能廣習諸大乘經、觀第一義諦。作無所得觀。或復淨持禁戒。孝養尊親。或修行十善。專稱念佛。雖有所得。亦是不可思議殊勝功德。皆得往生西方淨土。如經具說。但往生淨土行門非一。往生之人九品差別。豈得唯言無所得法而得往生。不信三福十六觀等往生淨土也？又有所得心通於三性。善不善業咸能感報。今三福等悉是善業。經言。是三世諸佛善業正因。既是善業。寧容不感淨土之報。子今云何唯以無所得而得往生。有所得心不得生者。出何經教？既無聖典。何所依憑？今觀經等具明三福十六觀等。作此相業。說得往生。文義顯然。不可誹謗。寧容

不依聖教自率凡情。言有所得心不得生於淨土。以有所得心是善性。有殊勝福。能滅娑婆重罪。得生西方淨土。如地觀等言。作是觀者。除八十億劫生死重罪。捨身他世必生淨土。心得無疑。此豈不是作有相觀等生西方也！若不信如是等言教。便成不信受佛語輪。成就十惡輪罪也。又言。稱佛名故。於念念中滅八十億劫生死之罪。得生西方極樂世界。如此等經文誠證非一。不可非廢眾多聖教。言不得生。唯言學無所得而得往生也。以往生眾生有凡有聖。通小通大。有相無相。或定或散。利根鈍根。長時短時。多修少修。咸得往生。而有三輩九品差別。花開早晚有異。悟道遲速不同。故知往生既有品類差殊。修因亦有淺深各別。不可但言唯修無所得而得往生。有所得心不得生也。以往生者非唯聖人。凡夫亦生也。」(T47,p.36,b17-c18)

p.113 line -5【世出世苦樂二種因果】《廬山蓮宗寶鑑》卷1：「善行惡行，世間之因也。三界六道、九有四生，世間之果也。念佛法門，出世間之因也。九品化生淨土成佛，出世間之果也。於上因果心中明了故，不樂著世間之法，於出世間法心行不違。念念不忘於淨土，心心不離於彌陀。何以知其然？如今是因，臨終是果。應知因實果則不虛。」(T47,p.308,b25-c2)

p.113 line -4【合第三福第二第三句】《傳通記》：「指上三種行。謂信因果。合第二句。或得讀誦。合第三句。解第一義。所合難了。或合第二句。深信俗諦。善解真諦。真俗二諦不相離故。或合第三句。解是所詮。讀是能詮。所詮不離能詮故也。」～本會版 p.861

p.113 line -2【同聲讚歎。述本所修之業】《經》：「法子。汝行大乘。解第一義。」《傳通記》：「《九品義》云：從佛法生故名法子。」～本會版 p.864
《雜阿含經》卷41：「我亦如是，為佛法子，從佛口生、從法化生，得法餘財法，禪、解脫、三昧、正受，不苦方便自然而得。」(T02,p.303,c7-9)「本所修業」=行大乘、解第一義。佛之所述為此行者一生真實功德，能感上中品生之淨因，全在此二，其他則不計，或皆含於此二之中。

p.113 line -1【行者懷疑】《傳通記》：「問：已見聖眾。何疑往生？答：見佛有二：一謂護念。二謂來迎。故雖見佛。猶有疑心。為是護念。為是來迎。為除此疑。故云迎汝。故釋上下品云。行者雖覩靈儀。疑心恐不得往生。是故聖眾同聲告言我來迎汝。」～本會版 p.864

p.114 line 5【逕宿始開】《傳通記》：「問：第九門時見佛乘臺，何至彼土還有華合？答：從穢之淨，其理極難，故佛願力強自來應，慈悲加祐，令見聖迎。生已由障，亦有華合，其義無差。」～本會版 p.866「障」：見佛、聞法之障。《經》：「足下亦有七寶蓮華」，《傳通記》：「華開已後，在金臺時，足下現華。下金臺時，踏之而行。」～本會版 p.866

p.114 line -6【得無生】《經》：「經於七日。應時即於阿耨多羅三藐三菩提得不退轉。...經一小劫。得無生忍。」《傳通記》：於七日得不退轉者。應是三賢。如云：證得不退入三賢。釋云：無生者。緣觀無生而非證理。～本會版 p.867-68 迦才《淨土論》卷 1：「無生法忍亦有四種：一緣教故得無生法忍。謂一切凡夫及十信位人。讀大乘經論。作無生解。即是聞慧。二緣觀得無生法忍。謂十解已上乃至十迴向。謂作三無性觀。解萬法無生。即是思慧。三證理得無生法忍。謂初地已上。由證遍滿法界二空真如。即是修慧。四約位得無生法忍。謂八地已上。由得真俗雙行。即是無功用智。是修慧也。無生法忍既通此四。寧得執一。」(T47,p.87,a22-b1)天台宗則以別教之初住至第七住為位不退，於此間斷滅見思之惑而永超三界之生死；以第八住至十迴向之終為行不退，於此間破除塵沙之惑而不退失利他之心；以初地以上為念不退，此時既斷無明之惑，永不退失中道之正念。如配以圓教，則初信至第七信為位不退；第八信至第十信之終為行不退；初住以上為念不退。～《佛光大辭典》

p.114 line -6【恐此間七日】《傳通記》：古師多約彼方時劫，故且云恐。淨影云：娑婆一劫當無量壽一日一夜。嘉祥云：彼一日一夜敵閻浮堤一劫。經一宿則敵此間半劫也。感師云：淨土時劫也。環興云：今即彼土一宿華開，當此娑婆半劫之量。此等所解與今不同。感師(懷感，釋淨土群疑論)雖云一室弟子，違大師解。今謂後釋無失。且以四例助成：一者彼佛身量若干由旬。不以彼佛

指分疊為彼由旬也。若不爾者。應似如須彌山長大之人。以一毛端為其指節。故知不以佛指量說佛身長短。何必以淨土時刻說華開遲速耶。二者如尊勝陀羅尼經說。忉利天上善住天子聞空聲告。汝當七日死。時天帝釋承佛教勅。令彼天子七日勤修。過七日後。壽命得延（取意）。此是人中日夜而說。若據天上七日者。當於人中七百歲。不應佛世八十年中決了其事。九品日夜亦應同之。三者法護所譯經云。胎生之人過五百歲。得見於佛。平等覺經云。於蓮華中化生在城中。於是間五百歲。不能得出（取意）。環興等師以此文證此方五百歲也。今云。彼胎生歲數既依此間說。九品時刻有何別義不同彼耶。四者若據彼界說九品者。上品中生一宿。上品下生一日夜。即當此界半劫一劫。若許爾者。胎生疑心者。尚逕娑婆五百歲。而速得見佛。上品信行者。豈過半劫一劫。而遲開蓮華耶？有此理故。後釋無失。靈芝云。一小劫者。亦據此土增減為言。

～本會版 p.868-69

p.114 line -3【現蒙授記】此即「現前授記」。**【四種授記】**授記，未來世證果及成佛名號之預記。據《菩提資糧論》卷三舉出四種授記，即：(一)未發菩提心授記，謂諸佛世尊觀眾生根機之利鈍，於具有增上信之人，則令其發菩提心，而為授記當得作佛。(二)共發菩提心授記，謂諸菩薩善根成熟，誓欲度脫一切眾生，與眾生共發菩提心，誓願同成正覺，而蒙佛授記。(三)隱覆授記，謂此人修行精進，固當授記，但恐其自聞授記，則志滿而不復更發精進之心；如不授記，復恐眾人生疑而謂此人修行精進，卻不蒙授記，故佛以威神之力，密為授記當得作佛，使他人聞，不使其自聞。(四)現前授記，謂諸菩薩成熟出世善根，得不動地，即時蒙佛授記。～《佛光大辭典》

p.115 line -5【亦信因果】《觀經疏妙宗鈔》卷6：「上品下生亦信因果不謗大乘。同上中品故名為亦。彼以解了第一義諦而為別行。此以但發無上道心而為別行。究理攝生。標心雖異。從凡入聖。歷位無殊。」(T37,p.231,a3-7)

p.115 line -2【似亦無功】參考本書 p.10：8。元照《觀無量壽佛經義疏》卷3：「上輩有五：一發菩提心，大乘心也。二解第一義，大乘解也。三修行諸行，大乘行也。四深信因果，大乘信也。五迴向往生，大乘願也。如此五法，上三品中

出沒互見。上品上生具五。經明三心三行是也。上品中生有四。唯缺大行。經云善解義趣是也。上品下生有三。缺於解行。經云但發無上道心是也。若無第一不為上品。若無四五即不往生。故上三品即攝補處、不退、初心諸大菩薩也。」

(T37,p.299,c6-15)

p.115 line -1【厭苦、諸佛、菩薩等】『厭苦』：出離心（求解脫心）。『諸佛境界』：第一心、不顛倒心。『菩薩大悲願行』、『入生死普度眾生』：平等大悲心、廣大心、常心。

p.116 line 4【授手】授以援手，謂救援。～《漢語大詞典》有多種含義，可類分三種：(一)即佛伸手引導眾生入淨土之意。於淨土經典中，如觀無量壽經上品上生之敘述文：「阿彌陀佛放大光明照行者身，與諸菩薩授手迎接。」上品中生之文：「汝行大乘，解第一義，是故我今來迎接汝，與千化佛一時授手。」皆為引導往生淨土之意。(二)指傳授教法。禪宗典籍敕修百丈清規卷五沙彌得戒：「佛佛授手，祖祖相傳，不染世緣，方成法器。」此處授手，即指傳授教法之意。(三)相鄰不遠之意。律典梵網經卷下：「受持菩薩戒者，應受持、讀誦、解說、書寫佛性常住戒卷，流通三世一切眾生，化化不絕，得見千佛，佛佛授手，世世不墮惡道八難。」《菩薩戒經義疏》卷下解釋梵網經文中之佛佛授手，謂非舉手更授，係明示秉持戒法如同與佛相鄰不遠，故謂之授手。～《佛光大辭典》

p.116 line 4【罪滅清淨】《經》：「法子。汝今清淨。發無上道心。」《傳通記》：「問：經云清淨，釋云滅罪，何至此品始置此言？上上、上中，既是凡夫，何無罪滅？答：釋消經文，經唯存略。或亦信因果之文、惡法數起之釋，述於當品機尚犯惡法，滅此罪故，別云清淨。非上二品無滅罪義矣。」～本會版

p.875

p.116 line 9【華開已後得益】《經》：七日之中見佛。雖見佛身。於眾相好。心不明了。三七日後了了見。聞眾音聲皆演妙法。《傳通記》：上品之人其障微故。華開即見。當品之人障轉多故。粗障先滅。雖華方開。細障猶在。七日

之中得見佛身。雖見佛身。猶不明了。至三七日極細障盡。了了見佛。~本會版 p.876 《大般涅槃經》卷 25〈師子吼菩薩品 23〉：「十住菩薩以何眼故雖見佛性而不了了？諸佛世尊以何眼故見於佛性而得了了？善男子！慧眼見故，不得明了；佛眼見故，故得明了。」(T12,p.772,b14-17)

p.116 line -6【住歡喜地】《經》：『得百法明門，住歡喜地』。《傳通記》：有二種百法：一十信百法。二五位百法。一言十信百法者。本業瓔珞經上說...二言五位百法者。妙宗鈔云。言百法者。如百法論所出名數。今於此法皆證三諦。乃以百法而為明達三諦之門。三諦若明。則了一切。~本會版 p.877 《菩薩瓔珞本業經》卷 1〈2 賢聖名字品〉：「得入初住位中。住是位中增修百法明門。所謂十信心。心心有十。故修行百法明門。常發無量有行無行大願。得入習種性中廣行一切願。」(T24,p.1011,c6-9)《菩薩瓔珞本業經》卷 1〈3 賢聖學觀品〉：「一歡喜地。住中道第一議諦慧。...現法身入十方佛土。作五神通入如幻三昧。現作佛化無量功德。不受三界凡夫時果。常入一乘位一心四諦集苦道滅。二種法身變易受生。三觀現前常修其心入百法明門。所謂十信。一信有十。為百法明門。...心心寂滅。法流水中。自然流入薩婆若海。」(T24,p.1014,c19-27)淨空《觀無量壽經講記》：「百法明門就是一切法，是唯識裡面的《百法明門論》。《瑜伽師地論》，彌勒菩薩將一切法歸納成六百六十法，為我們說明宇宙人生的真相，天親菩薩再濃縮歸納成一百法，便於教誡大乘初學，所以《百法明門論》是大乘初學的教科書。百法就是一切法，是一切法的歸納，展開來就是一切法。此地得百法明門就是對於一切法都貫通、通達的意思，智慧開了，世出世間一切法沒有一樣不通達。」《觀無量壽經疏》：「『得百法明門』就是禪宗講的明心見性，教下講的大開圓解，我們本宗所說的理一心不亂，位次到了初地菩薩。」